



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Ven. Viri Thomæ Malleoli A Kempis, Canonici Regvlaris  
Ordinis D. Avgvstini. Opera Omnia**

**Thomas <von Kempen>**

**Dvací, 1625**

De diuina consolatione in tribulacione. VII.

[urn:nbn:de:hbz:466:1-45790](#)

2. Omne gaudium, quod de Deo non est citò perit, maculat, & ledit. Bonus sermo suavis est ad audiendum, durus turbat amicum; ociosus perdit temporis fructum. Esto diligens in operando bona, patiens in tolerando mala, & beatus eris in via tua, Deum laudando omni hora. Rarò tibi vnum vel alterum deerit istorum, tristari aut lamentari. Felix, qui omnia ad bonum trahit, & de aedes lucram sibi facit. Qui Deum diligit, amara sicut dulcia æqua, liter à Deo accipit, & gratias agit. Bene & firmiter stat, qui non in se nec in homine, sed in Deo spem suam ponit.

## CAPVT VI.

*De auditione & lectione diuini sermonis.*

*Lucas II.*

1. **B**eatū, qui audiunt verbum Dei. Vile est solatium humanum, quod impedit diuinum. Cūm sacra lectio legitur, Deus tibi loquitur, ideo cūm humilitate verbum Dei audi grataanter. Veritas non est aspernanda, à quocumque simplici proferatur. Qui bene viuit, bene docet; & qui bene legit, Dei nuncius est. Fidelis nuncius nocua tacet, utilia refert, fingere nescit. Pura veritas in eundum verbum. Subtilis sermo pernialis nocet, blandus sipe decipit. Falsus narrator, pacis turbator: qui illum audit, scādūm non euadit. Iudex discretus, omni laude dignus: durus & immiscricors, non est misericordia dignus. Iracundus animus torqueat seipsum grauius, vexat innocentēs sāpius, maledicit potentibus occulte, & deridet aperte bene agentes.

2. Dolosus in verbis fallit sibi credentes, ideo paucos habebit amicos. Bonum est tacere mala, sanctum vera proferre, rationabile modestè agere. Iustum est nulli nocere, pium omnibus prōdēsse, religiosum verbis & moribus proximum ædificare. Prudentis est agenda præmeditari, & sine causa nil noui querere; ignota non facilè enarrare, dubiosa non statim confirmare. Magnum bonum pro pace cordis, silentium oris: nam os fatui, quasi semper apertum rixisque proximum. Qui Deo placere desiderat, cor & os custodiat, ne devotionis gratiam perdat, & quietem amantes offendat. Multa pulchra verba non implet saccum, nec eloquentia verborum sanctificat otiosum neque ambitiosum. Qui bene facit, bene habebit.

## CAPVT VII.

*De diuina consolatione in tribulatione.*

1. **V**xta est Dominus his, qui tribulato sunt corde. Nemo inuenitur tam bonus & devoutus, cui non occurrat aliquid oneris & grāuitatis. Cūm ergo fueris in tribulatione & cordis mōrore, tūc

P/31 35.

65



es cum Iesu in cruce. Cum autem iterum consolari in oratione per gratiam sancti Spiritus, tunc quasi ex mortuis cum Christo resurgis de sepulchro, & celebras Pascha in nouitate vite cum Iesu in corde iubilando. Cum vero audieris aliquem indigua & dura verba tibi dicentem, tunc datur tibi de calice Domini bibe, pro medicina animae tuae.

2. Tace, & bibe salutis procula sine murmure, & Dominus respondet pro re, in vita & in morte. Non obliuiscetur tui Deus. Nihil glorioius, quam silendo & patiendo obstruere os loquenter iniqua, & sequi exemplum Christi tacantis coram Pilato, cui multa falsa fuere obiecta. Non enim es melior Deo tuo, pro te flagellato ac deriso, & tandem a malignis occiso. Nescit homo, quam bonus sit & virtuosus, nisi cum vexatus fuerit aduersus. Christus multos habet amatores & sodales mensae, sed paucos sectores abstinentiae.

3. Verus amator crucifixi non refugit pati dolores, nec confundi a peruersis, ut sit Christo conformis in scandalo crucis. Nam Phil. 5. cui Christus vivere est, huic pati & mori pro Christo lucrum est maximum. Quanto ardenter Deum quis diligit, tanto minus mortem timet; & eo amplius dissolui concupiscit, ut cum Christo feliciter vivat, & in perpetuum cum Angelis gaudeat. Felix anima, quae Iesum medullitus amat, praesentia bona amore aeternorum vilipendit, pro nomine Iesu mala patienter tolerat, & ad pedes Iesu humiliter se prosternit & orat, ut in virtutibus proficiat, & constans perseveret.

## CAPVT VIII.

*De gaudio bona conscientie, in spiritu sancto.*

I. **G**audete in Domino semper. Congaude bonis, sustine malis, compatere afflitis, ignoscere delinquentibus, ora pro omnibus. Projice a te malam tristitiam, quem importat acediam & rancorem. Assume dulcem & sanctam meditationem, de vita & passione Christi; & inuenies veram consolationem; contra omnem tristitiam & tentationem. Bona vita meretur laudem, tepida conuersatio sibi & alijs est onerosa. Bona conscientia parit gaudium, mala conscientia generat sibi tormentum. Studeas semper bene agere, & eris in bona pace. Non tibi nocebunt mala prauorum, si permanseris firmiter in recta via iustorum. Bona conuersatio hominis fert secum letitiam cordis, & famam iustae laudis. Vana exultatio, citio perit ab ore laudantis. Plus nocet blanda laus stulti, quam dura correptio iusti.

2. Humilis oratio ascendit in celum, placat Deum, impetrat gratiam,

K k 3

gratiam,

Phil. 6.